



Na osnovu člana 62. i 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ broj:35/05) i člana 43. Statuta Općine Bosanski Petrovac–prečišćen tekst („Službeni glasnik općine Bosanski Petrovac“ br.7/08), a u vezi člana 3 Odluke o načinu dodjele sušare na korištenje, broj:01-49-1030-1/19 od 25.04.2019. god, općinski Načelnik objavljuje:

JAVNI POZIV ZA DODJELU SUŠARE NA KORIŠTENJE

Općina Bosanski Petrovac poziva sva zainteresovana udruženja i obrte čija je jedna od osnovnih djelatnosti, unapređenje uzgoja i prerade ljekovitog bilja i šumskih plodova sa područja općine Bosanski Petrovac, da dostave svoje zahtjeve za dodjelu sušare na korištenje.

Sušara se dodjeljuje na period od godinu dana, po Ugovoru, s mogućnosti produžavanja istog.

Specifikacija sušare (tehnološko-tehnički podaci)

- Kapacitet sušare cca 400 kg
- Površina ljesa: 20 m²
- Broj komada ljesa: 36
- Vrsta energije: električna energija (trofazna)
- Instalirana snaga: 18 kW
- Snaga motora ventilatora: 1,5 kW
- Priključni napon: 380 V
- Matrijal komore: termopanel
- Visina sušare: 2100 mm
- Širina sušare 3500 mm
- Dužina sušare: 900 mm

Napomena: Uz sušaru dolazi radni sto za ljese, dimenzija 900 x 2500 x 1200 mm.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sva formalno registrovana Udruženja i obrte na području općine Bosanski Petrovac u skladu sa važećim zakonskim propisima u Bosni i Hercegovini i to:

- Udruženjima (Udruženje - svaki oblik dobrovoljnog povezivanja više fizičkih ili pravnih osoba radi unapređenja i ostvarivanja nekog zajedničkog ili opšteg interesa ili cilja, u skladu sa Ustavom i Zakonom, a čija osnovna svrha nije sticanje dobiti i čija je jedna od osnovnih djelatnosti, unapređenje uzgoja i prerade ljekovitog bilja i šumskih plodova).
- Obrtima - čija je jedna od osnovnih djelatnosti, unapređenje uzgoja i prerade ljekovitog bilja i šumskih plodova.



PRIJAVA NA JAVNI POZIV

Aplikanti moraju zadovoljiti sljedeće opšte uslove:

- da su osnovani i registrovanina području općine Bosanski Petrovac,
- da su vođeni od strane državljana BiH,
- da svoje aktivnosti realizuju na području Općine,
- da ne obavljaju aktivnosti u ime političkih partija.

POTREBNA DOKUMENTACIJA

- Prijavni obrazac
- plan i program rada za sušaru,
- rješenje o registraciji za aplikanta (kopija rješenja),
- identifikacijski broj, (kopija)
- fotokopiju lične karte ovlaštene osobe,
- ovjerenu Izjavu kod nadležnog organa od strane ovlaštene osobe, da će se domaćinski ponašati prema sušari i da neće vršiti nikakve transformacije na sušari u odnosu na njenu početnu specifikaciju.
- drugi dokumenti koji mogu biti relevantni.

Prijavni obrazac

za prijavu na Javni poziv za općinu Bosanski Petrovac može se preuzeti od *dana objave Javnog poziva* lično preuzimanjem na info pultu zgrade općine Bosanski Petrovac, Ul. Bosanska 110. 77 250 Bosanski Petrovac ili na službenoj web stranici općine: www.bosanskipetrovac.gov.ba Sve potrebne informacije mogu se dobiti u Službi za obrt, poduzetništvo, razvoj i poljoprivredu općine Bosanski Petrovac.

PREDAJA APLIKACIJA:

Ispunjena prijava sa traženom dokumentacijom dostavlja se na sljedeću adresu:

Općina Bosanski Petrovac,
Bosanska 110,
77 250 Bosanski Petrovac,

sa naznakom prijava na Javni poziv "za dodjelu sušare na korištenje"-NE OTVARATI-



Rok za predaju aplikacija je **15.05.2019. godine**. Prijave dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. Vanjska strana koverta mora sadržavati, puno ime i adresu podnosioca. Općinski Načelnik Rješenjem će imenovati Komisiju koja će vršiti ocjenjivanje pristiglih prijava na osnovu kriterija utvrđenih Odlukom o načinu dodjele sušare na korištenje, broj:01-49-1030-1/19 od 25.04.2019. god. Svi aplikanti koji su predali prijave, koji su prihvaćeni ili odbijeni, bit će obaviješteni u pisanoj formi o odluci u vezi sa njihovom prijavom, u roku od 15 dana od dana zatvaranja javnog poziva. Rezultati će biti objavljeni na web stranici općine Bosanski Petrovac kao i na oglasnoj ploči općine. Sa odabranim korisnikom, Načelnik će potpisati Ugovor o dodjeli sušare na korištenje u kojem će biti definisane prava i obaveze korisnika.

Broj: 01-49-1030- 3/19
Datum:30.04.2019. godine

Obradila:
Dragana Manojlović i Mirela Tešnjak

Dostavljeno:
- oglasna ploča
- predsjednicima MZ
- zvanična stranica općine
- radio
- a/a



Općinski načelnik
Dejan Prošić, dipl.ing.šumarstva